

朱文端公三传

歷代循吏傳卷之四

晉

王恂

王恂字良夫東海剡人文義通博在朝忠正累遷河南尹
建立二學。崇明五經。鬲令袁毅嘗餽以駿馬。恂不受。及毅
敗。諸受貨者悉被廢黜。恂獨無所污。自魏給公卿已下租

牛客戶。數各有差。其後小人憚役多樂爲之。貴勢之門動以百數。太原諸部亦以匈奴爲佃客。多者數千。武帝踐位。詔禁募客。恂明峻其防。所部莫敢犯。咸寧四年卒。贈車騎將軍。

論曰。絃歌雅化。類非俗吏之所優爲也。然其教必本於經。乃足以察乎人倫。而協於天則。當魏晉間。崇尚莊老。王何倡之。諸名流靡然和之。七賢八達之類。何可勝譏。恂於是時。獨能建學尊經。尤足珍也。

胡威

胡威字伯武淮南壽春人父質少與蔣濟朱績知名江淮間以忠清仕魏至征東將軍荊州刺史威早厲志尚質爲荊州時威自都往省貧無僕從身自驅驢每至客舍皆親樵爨旣至見質停廢中十餘日辭歸質賜絹一疋爲裝威曰大人清高不審於何得此質曰俸祿之餘以爲汝糧耳威受之質帳下都督思結威好乃先威未發請假實陰爲資裝於道要威旣與威同行數百里每事資威威疑之誘問知爲都督即與以父所賜絹謝而遣之後以聞於質質

杖都督。除其名。父子清慎如此。於是名譽流聞。拜侍御史。
歷南鄉侯安豐太守。遷徐州刺史。勤於政術。風化大行。後
入朝。武帝語及平生。因歎質之清。謂威曰。卿孰與父清。對
曰。臣不如也。帝曰。卿父以何爲勝。對曰。臣父清恐人知。臣
清恐人不知。是臣不及遠也。帝以威言直而婉。謙而順。累
遷監豫州諸軍事。右將軍。豫州刺史。入爲尚書。加奉車都
尉。威嘗諫時政之寬。帝曰。尚書郎以下。吾無所假借。威曰。
臣之所陳。豈在丞郎令史。正謂如臣等輩。始可以肅化明
法耳。拜前將軍。監青州諸軍事。青州刺史。以功封平春侯。

大康元年卒謚曰烈

論曰史稱晉武寬厚足以君人明威未能厲俗結綬者以放濁爲通彈冠者以苟得爲貴此威所爲發憤而以過寬爲諫者也帝旣失之寬而時方以清談相尚恥言實效故循良之績邈焉鮮聞若威克著清慎而又勤於政術可不謂吏道之良者乎抑觀威之傳而有感焉威父質賜絹一疋猶必問所從來以爲俸餘而後受之以此防民後世猶有子隨父任欺以成貪以至壞父名戾民事而不顧者詩曰教誨爾子式穀似之

大德元年八月

范晔

范晔字彥長南陽順陽人少游學清河遂僑居焉郡命爲五官掾歷河內郡丞太守裴楷雅知之薦爲侍御史補上谷太守遭喪不之官後爲司徒左長史轉馮翊太守甚有政能善於綏撫百姓愛悅徵拜少府出爲涼州刺史轉雍州于時西土荒毀氏羌蹈藉田桑失收比屋困弊晔傾心化導勸以農桑所部甚賴之元康中加左將軍卒子廣字仲將舉孝廉除靈壽令不之官天下方亂廣姊適孫氏早亡有孫名邁廣負以南奔雖盜賊艱急終不棄之元帝承

制以爲堂邑令丞劉榮者堂邑人坐事當死而家有老母
郡以榮付縣每至節廣輒聽榮暫還榮亦如期而反縣堂
爲野火所及榮脫械救火事畢還自著械後大旱米貴廣
散私穀振饑人遠近流寓歸投之戶口十倍卒於官

論曰晷蘇雍州之困廣振堂邑之饑非有奇能異績也
勸其農桑散其儲積而已故大田多稼而民有倉囤之
贏者風之所以盛也田卒汙萊而野有鴻鴈之哀者世
之所以衰也君子仁心爲質惠撫其下善政之基莫先
於是矣

曹攄

曹攄字顏遠譙國譙人少有孝行好學善屬文補臨淄令縣有寡婦養姑甚謹姑以其年少勸令改適婦守節不移姑愍之密自殺親黨告婦殺姑婦不勝考鞫自誣服獄當決矣適攄至知其有寃更加辨究具得情實時稱其明歲久攄行獄見衆囚愍之謂曰卿等不幸到此非所新歲人情所重豈不欲暫見家耶囚皆涕泣曰若得暫歸死無恨也攄悉開獄出之尅日令還掾吏固爭攄曰此雖小人義不見負保爲諸君任之至日果相率還竝無違者一縣歎

服號曰聖君。入爲尚書郎。轉洛陽令。仁惠明斷。百姓懷之。時大雨雪。宮門夜失行馬。檢察莫知所在。攄使收門士羣官咸謂不然。攄曰。宮掖禁嚴。非外人所至。必門士以燎寒耳。詰之果服。以病去官。復爲洛陽令。及齊王同輔政。攄與左思俱爲記室。同嘗從容問攄曰。天子爲賊臣所迫。吾率義兵興復王室。今入輔朝廷。或有勸吾還國者。於卿意何如。攄曰。大王蕩平國賊。匡復帝祚。然道無隆而不殺。物無盛而不衰。非惟人事。抑亦天理。願大王居高慮危。在盈思沖。精選百官。存公屏欲。舉賢進善。務得其才。然後脂車秣

馬高揖歸藩則上下同慶矣。罔不納尋轉中書侍郎長沙王。又以為驃騎司馬。又敗免官。起為襄城太守。襄城屢經寇難。攄綏懷振理。旬月漸復。永嘉二年。高密王簡鎮襄陽。以攄為征南司馬。使督參軍崔曠討流人王逌。曠奸凶人也。譎攄前戰期為後繼。既而不至。攄獨與逌戰于酈縣。軍敗死之。故吏及百姓並奔喪會葬。號哭即路如赴父母焉。論曰。寡婦非嘗有他志而為其姑所制也。則何為而遽殺姑。漢孟嘗傳所載上虞寡婦被誣鳩母事。鳩與非鳩尤易辨耳。乃彼必待嘗白寃於身後而此乃得攄雪。枉

於生存所遇異也。至攄受譴戰沒與宋楊業事正相類。
潘美爲翊運功臣。乃與奸凶之崔曠同類而竝轡哀哉。

丁紹

丁紹字叔倫譙國人爲人開朗公正歷官廣平太守政平
訟理道化大行於時河北騷擾靡有完邑惟廣平四境又
安是以皆悅其法而從其令及臨漳被圍南陽王模窘急
紹率郡兵赴之模賴以全遷徐州刺史士庶戀慕攀附如
歸未之官轉荊州南渡河至許而南陽王模爲都督感紹
留之啓爲冀州以破汲桑有功加寧北將軍假節監冀州
諸軍事時羯賊爲患紹捕而誅之號爲嚴肅河北人畏而
愛之紹自以才足爲物雄當官涖政每事尅舉視天下事

若運於掌握。遂慨然有董正四海之志。若王浚苟晞輩。紹
意蔑如也。永嘉三年。暴疾卒。臨沒歎曰。此乃天亡冀州。豈
吾命哉。

論曰。紹旣公正而善得民。其用兵所向輒克。使究其才
用。當與祖逖陶侃爲輩。浚晞瑣瑣。何足齒數。臨沒猶懷
慨。自負紹固人豪矣哉。

顏含

顏含字宏都琅邪華人也少有操行以孝弟聞州辟不就東海王越以爲大傅參軍出補闔陽令元帝渡江爲上虞令累遷東陽太守後以大司農豫討蘇峻有功封西平縣侯拜侍中除吳郡太守王導問曰今涖名郡政將何先含曰王師歲動編戶虛耗南北權豪競招遊食國弊家豐執事之憂且當徵之勢門使反田桑數年之後欲令戶給人足如其禮樂俟之明宰含所歷簡而有恩明而能斷然以威御下導歎曰顏公在事吳人斂手矣未之官復爲侍中尋

除國子祭酒。加散騎常侍。遷光祿勳。以年老遜位。成帝美其素行。就加右光祿大夫。于時論者以王導帝之師傅。名位隆重。百僚宜爲降禮。太常馮懷以問含。含曰。王公雖重。理無偏敬。降禮或是諸君事宜。鄙人老矣。不識時務。旣而告人曰。吾聞伐國不問仁人。向者馮祖思問佞於我。我豈有邪德耶。郭璞嘗欲爲含筮。含辭曰。年在天位。在人脩己。而天不與者。命也。守道而人不知者。性也。自有性命。無勞著龜。桓溫求婚於含。含以其盛滿。不許。惟與鄧攸深交。或問江左羣士優劣。含曰。周伯仁之正。鄧伯道之清。卞望之